

擬兩晉南北朝樂府目錄卷上

馬同槽

廣武嘆

蘇門嘯

社稷勳

作佳傳

別駕謠

峴山碑

飛渡江

銅駝嘆

清談誤

雉短短

金谷讖

中台圻

華亭鶴

陽湖洪禮吉稚存譔

屠 紳笏巖

同里

管幹珍松崖 閱

錢維喬竹初
趙懷玉味辛

除三害

思子臺

寧馨兒

侍中血

龍虎爭

十三月

赤白氣

特尙可

壯士歌

留降款

中興瑞

夜半舞

王與馬

新亭淚

呼伯仁

拜士行

踐海冰

義旗指

獻行璽

一目主

識英物

日書空

海西公

鬼董狐

東山臥

牛心炙

阿房城

長星見

負春來

行路難

丁零王

新平寺

五經表

借鬼兵

續佛經

槐樹賦

虎臺謀

沭諱刺

彗星出

義義號

桃源記

擬兩晉南北史樂府卷上

馬同槽

聲嘈嘈。馬騰槽。火炎炎。龍上天。去年乘黃鉞。今年加九錫。龍旂十二旒。天子在頃刻。桃花源。武陵船。問魏與晉何茫然。

魏武帝步三馬同食一槽。甚惡之。謂太子丕曰。司馬懿非人臣也。泰始元年。晉王炎稱皇帝。廢魏主爲陳留王。

廣武嘆

一日哭。留狂名。百日醉。留酒名。酒名狂名俱不免。先生能作青白眼。驅車何茫茫。廣武何荒荒。當時楚與漢。莽莽百戰場。百戰場。斜日下。豎子成名尙堪說。擾擾何況牛與馬。

阮籍登廣武觀楚漢戰處。嘆曰。時無英雄。使豎子成名。籍能爲青白眼。見禮俗之士。以白眼對之。

蘇門嘯

阮生狂耶。稽生傲耶。先生何人。冷冷嘯耶。咸熙魏耶。咸寧晉耶。先生何人。冥冥隱耶。

孫登隱蘇門山。善嘯。阮籍見之。歸著大人先生論。稽康從登遊三年。聞其所圖。終不答。將別。謂曰。子才多識寡。難乎免於今之世矣。

社稷勳

擬兩晉南北史樂府卷上

炎精中燼赤帝死。祖龍西來作天子。大開明堂錫弓矢。謀臣誰。裴與王。股肱誰。荀與羊。金符玉冊何琅琅。策勳第一推平陽。當時曾殺高貴鄉。

武帝將廢賈后。楊太后爭之曰。賈公闕有大勳。於社稷公闕賈充字。充使成濟殺高貴鄉公。

作佳傳

一丸藥。勞侍婢。千斛米。作傳紀。彼哉譙周及門弟。三分竊據孫與曹。正統那付當途高。君不見。一士已沒。賴半士。定論早出習鑿齒。

陳壽遺父喪使婢丸藥。謂下僮子曰。覓千斛米爲尊公作佳傳。習鑿齒作漢晉春秋以蜀爲正統。因有瘞疾。荷堅稱爲半士。

別駕謠

海沂之康。寔賴王祥。邦國不空。別駕之功。嗚呼別駕。今三公。惜哉不作徐州終。

王祥爲徐州別駕。郡中謠云。魏亡入晉。官太保。年八十五始卒。

峴山碑

杜公碑。碑書功。高岸爲谷。谷作陵。叶羊公碑。碑墮泪。茫茫淚枯碑不碎。碑不碎。由民心。君不見。古來賢達皆爭名。羊公碑後碑俱泯。此碑非金亦非石。碑之崇。崇以德。

羊祜墮泪碑在襄陽峴山。杜預好爲後世名。刻石爲二碑。紀其勳績。一沉萬山之下。一立峴山之上。

飛渡江

前揚帆後執柁。南人倉皇北人坐。棹居前。棹居左。岸軍愁呼水軍臥。城門開。降帆來。七萬騎。全軍回。當時若聽王渾指。北兵安得飛至此。

王渾率舟師直抵建業。吳人曰：北來諸軍，乃飛渡江也。詔渚至秣陵，受王渾節度。渚遣信令渚暫過計事。渚舉帆直指，報曰：風利，不得泊也。

銅駝嘆

立人當立德。擇子先擇嫡。宮門老臣三嘆息。銅駝會見在荊棘。老奴亦言座可惜。爲官乎。爲私乎。此座何不歸桃符。

索靖知天下將亂，指洛陽宮銅駝嘆曰：會見汝在荊棘中。齊獻王攸小字桃符，文帝嘗指御座曰：此桃符坐也。

清談誤

王與謝揮麈尾。樂與衛饒名理。清談麈尾從天來。洛中已建單于臺。

王弼謝琨善清談。樂廣衛玠善名理。桓溫自江陵北伐，登平乘樓望中原，嘆曰：遂使神州陸沉百年。邱壘王夷甫諸人，不得不任其責。

雉短短

雉短短。飛來入宮院。欲竊主權欺主閹。昨日殺龍母。今日殺龍子。可憐銅駝宮。化作荊與枳。

惠帝后賈充女也。武帝嘗曰：賈公女有五不可種。茹而少子醜而短黑。后廢楊太后於金墉城。絕膳八日而卒。使太醫令程璜毒太子。

金谷讖

紅毬花開置行幕。一盃兩盃緩行樂。美人頭向盤中落。珠歌翠舞听斜陽。珊瑚七尺施作牀。人間夢醒春茫茫。花枝如烟墮高閣。散盡黃金恣揮霍。白首同歸訊潘岳。

潘岳金谷園詩。投分寄石友。白首同所歸。後岳與石崇同死。趙王倫之難遂成讖。

中台坼

去年誅韓信。今年醢彭越。駿既首禍。璫亮亦繼沒。南風當國勢絕倫。手持天下歸先生。叶中台星坼日復蝕。先生不言務簡默。金墉城。太后薨。許昌宮。太子凶。誰與殺者張司空。

中台星坼。張華少子懿勸華遜位。華不聽。華將死。謂張林曰。卿欲害忠臣耶。林稱詔詰之曰。卿爲宰相。太子之廢不能死節。何也。華曰。式乾之讒。諫事俱在。曰。諫而不聽。何不去位。華不能答。

華亭鶴

華亭鶴。雲間哭。聲何悲。悲二陸。白紵喜談兵。貉奴寧作督。机山深。三泖陰。蓴鱸千里方揚脰。此時笑殺張季鷹。

陸機將死。嘆曰。華亭鶴唳。可得聞乎。張翰聞秋風起。思菰菜蓴羹鱸膾。即日挂冠歸。

除三害

禾兮芄芄。稷兮翼翼。父老不樂。仰天太息。一長跪告父老。父老究何苦。父老不苦長橋之蛟。與南山之猛。

虎^二解父老慎勿悲。山有虎兮虎可摧。水有蛟兮蛟可揮。兒不讀書。兒身何爲^三。兒讀書。讀書不忘始。少慕奮身十年俠士。長慕事親十年孝子^四。兒讀書。讀書不近名。兒爲良臣。今天王聖明。兒爲忠臣。今。讒人覺

成^五

周處爲御史中丞。梁王彤違法。處深文按之。及齊萬年反。彤部督關中諸軍事。賊有衆七萬。彤逼處以五千兵擊之。絃盡矢絕。遂力戰而沒。

思子臺

南風狂。惠風閉。千歲燭。燬齒牙利。承華門。詔誰作。黃門侍郎有潘岳。許昌宮。逆誰預。黃門將軍有孫慮。思子臺。愁雲結。許昌一聲飛。蓋裂金墉城中貯金屑。

惠帝爲愍懷太子立思子臺。太子妃名惠風。太子喪發許昌大風雷電轉蓋飛裂。賈后廢金墉城飲金屑酒死。

寧馨兒

寧馨兒。乃具媚人骨。少無宦情。皇皇詣闕。長無宦情。營營三窟。一代龍門竟誰識。可憐車前拜石勒。阿堵積室中。持籌亦錢癖。新婦可作阿戎匹。

王衍勤石勒稱帝。衍妻郭氏好聚飲。嘗令婢以錢繞林使衍不得行。衍長起見之。謂婢曰。舉阿堵物却。

侍中血

長安門開鼓聲死。賊騎如雲走天子。西來從輦無一人。萬乘蒼茫草間止。行間殺氣何紛紛。侍中獨拜車

前塵馬前飛矢着龍節。侍中獨濺衣上血。侍中血中散葉。琴聲欲絕日欲沉。有子乃不傳廣陵。

稽紹蕩陰死節。血濺帝衣。後左右欲浣衣。帝曰。稽侍中血。勿浣也。稽康將刑。顧視日影。索琴題之曰。廣陵散。于今絕矣。

龍虎爭

虎皇皇。北來牽兩狼。南飛值龍龍。角張洛中傾鼠尺二長。解一莫打虎。打虎先傷龍。龍鱗十五五。解二莫打

鼠。打鼠已驚犬。犬聲欲聞數武。解三雄鷄默。雌鷄啼。大馬死。小馬饑。解四

元康中。童謠虎從北來。摩頭汗龍從南來。登城看指齊王閭。成都王穎永嘉初。童謠老馬死。小馬饑。指明帝崩。成帝幼而亡。

十三月

十三月。狼生羆。十五月。羆生狸。狸生已難禦。狸生奈何許。蛟龍何況得雲雨。絳灌無文。隨陸無武。以之讀書。橫覽今古。父作蒙珠離。子作遮須夷。神州擾擾不可止。洛中又出新天子。

劉淵十三月而生。淵子聰十五月而生。聰子普死復蘇。見淵爲蒙珠離國主。且曰。遮須夷國無主。待汝父爲之。

赤白氣

旗獵獵。天門開。雲中天子騎龍來。赤光耀以西。白氣耀以東。非烟非霧。杳不知其濛濛。熒熒煌煌。遂開明堂。燿燿落落。雄藝卓犖。石武鄉。一生低首惟高皇。幕中乃有張子房。

石勒生時。赤光滿室。白氣自天。屬於中庭。勒嘗謂人曰。若逢高皇。當北面事之。遇光武。當並驅中原。勒以張賓爲謀主。賓自比張子房。

特尙可

鍾離崩陷石穴一如丹一如漆入穴多于蟲出穴莫敢雄拔劍刺屋居其中鹽神冉冉兮紛相從神之一飛兮九日盡落淡句茫茫兮不見城郭天空空野夢夢遣以青縷射以雕弓鹽神去王廩地特與雄廩君裔欲寄食寧作賊官貪如狼政如火李特尙可尙殺我

李特爲陳君苗裔先鍾離山崩陷赤黑二穴出黑穴者四姓出赤穴者卽特先五姓爭爲神相約以劍刺穴屋惟廩君劍獨着遂爲神有鹽神從之其飛開天廩君射殺之天乃開朗李特尙可羅尙殺我

壯士歌

七尺刀八尺鞍壯士歌悲陳安啾啾唧唧天陰雨黑伏兵邀我西飛騎追我北班騅無聲草間匿嗟嗟見入不見出西流水東流河壯士歌奈爾何

陳安與趙將平先戰會日暮雨甚匿於山中爲呼延青所殺醢上人思之作壯士歌

留降款

一千義軍守陴哭城中天子亦食粥誰歟守者索都督長安城闕生蒿萊長安城門不肯開車騎來萬戶來

劉曜逼長安城中飢甚慰帝食麴屑索林留降款不發使子說曜曰若許琳以軍騎萬戶者請以城降

中興瑞

綿綿延延。華光燭天。正氣萃此者。五百二十六年。時已過。運乃昌。朱旗卓地一丈長。金符落天走建康。化龍一馬與眞王。龍爲王。馬遂亡。

始秦時望氣者云。五百年後金陵有天子氣。至晉元帝中興。果五百二十六年。初。玄石圖有牛繼馬後。故宣帝深忌牛氏。及恭王如夏后氏。竟通小吏牛氏。生元帝。太安時童謠。五馬浮渡江。一馬化爲龍。

夜半舞

鷄三聲。客三喚。起視東壁有疎燈。啓明光已亂。英雄乘時空浩嘆。元明之間久無旦。

祖遜與劉琨俱爲司州主簿。共被同寮。中夜聞荒鷄鳴。蹴琨起舞。

王與馬

王與馬。共天下。將軍前。丞相亞。將軍無謀丞相詐。丞相謂將軍。三州勢堪藉。事成爲王失爲霸。嗚呼將軍。遽叱咤。鼓頻頻。肆逆氛。丞相大義已滅親。白旗懸首煩將軍。

王敦王導乘政。時人語曰。王與馬共天下。永昌元年。敦率衆內向。以誅劉隗。乃協爲名。敦死。懸首南桁。莫敢收葬者。

新亭淚

慎勿學楚囚。對。慎勿灑。新亭淚。天茫茫。天方醉。人茫茫。人方睡。

過江人士每至暇日相要出新亭飲宴周顗中坐嘆曰風景不殊舉目有山河之異皆相視流涕王導愀然變色曰當共戮力王室克復神州何至作楚囚相對

呼伯仁

渡江來不安坐茂倫一言伯仁賀向見夷吾在江左夷吾有急呼伯仁伯仁百口還理君爲君瀝肝膽爲君全令名叶伯仁言感天子夷吾不言伯仁死三司耶令僕耶知人不易古所嗟夷吾亦殺鮑叔牙

王敦反王導每旦率子弟詣朝待罪見周顗入導呼曰伯仁以百口累卿卿不應及入爲導申救甚至出又上書明導忠誠導不知甚恨之及王敦問顗于導三問不對敦遂殺之

拜士行

朝亦運百甓暮亦運百甓欲清中原還致力古人陰惜寸今人時擲尺欲清中原先惜日叶陶士行眞名臣神機魏武忠孔明叶陸遜陸抗非其倫前年擊杜叢今年殺蘇峻君不見元規枉自受顧命賊來亦拜陶士行

蘇峻反庾亮詣陶侃拜謝侃止之曰庾元規亦拜陶士行耶尚書梅陶與曹識書曰陶公機神明鑒似魏武忠順勤勞似孔明陸抗諸人不能及也

踐海冰

北風吹海海欲立海底潛蛟抱冰泣馬蹄踏海聲隆隆三日不拆玻璃宮玻璃平鋪三百里鐵騎茫茫踐之起君不見一聲筆築海水開海底已執乖龍回

燕慕容銑討慕容仁天寒海凍從昌黎東踐海冰而進凡三百餘里仁部下叛執仁以降

義旗指

去年反王敦。今年反蘇峻。六師束手。庾元規。八州觀望。陶士行。君父之難。安可逃。義旗一指。天爲高。官軍

已成白石壘。賊騎不越朱雀橋。功成倘憶絕裾處。夜夜精靈泣牛渚。

蘇峻之亂。溫嶠約陶侃。東下。後侃以糧盡欲返。嶠謂曰。公若沮衆敗事。義旗將回指于公矣。初。嶠欲將命。母崔氏固止之。嶠絕裾而去。

獻行璽

獻行棉。獻行璽。尙薄袁本初。何敢學成李。二十八宿纏宮門。大業無愧張耳孫。龍章九錫未入告。白舡入

棺還自悼。還自悼。百六乾坤總羣盜。執手傳家自忠孝。

前涼張軌。漢張耳十七世孫。據涼時。有令石白點成。二十八宿。子茂以未受王命。自舡入棺。勉嗣子以忠孝。

一目主

長安天子眇一目。長安城中月鼎足。妖星茫茫射黃屋。死我者堅活我雄。東海大魚化爲龍。男皆爲王女

爲公。

苻生眇一目。童時。祖洪戲之曰。吾聞瞎兒一泪信乎。生引佩刀刺出血曰。此亦一泪也。性殘忍。祖洪欲殺之。雄勸乃止。生立太史奏。長安城中三月並出。

識英物

兒勿啼。兒啼驚一切。兒啼何奇。知兒是英物。兒勿來。兒來光一室。兒來何殊。知兒有奇骨。星茫茫。墮兒顛。

中七。山巖巖橫兒頂中。一君不見。溫太真。擅奇術。燃犀照餘幽魅出。何不攜來照英物。

桓溫生未葬。溫觸見之。曰。此兒有奇骨。可試使啼。及聞其聲。曰。真英物也。溫面有七星。

日書空

夷甫於空談。神州已陸沉。深源復中起。蒼生更誰倚。嗟嗟一百年。處士相後先。書空計已左。周旋猶作我。東山捉鼻四十春。蒼生所望真斯人。

殷浩被廢。在信安終日。恒書空作字。揚州吏民尋義逐之。竊視。唯作咄咄怪事四字而已。

海西公

局縮肉馬作犢。海西公。犢化龍。犢化龍。是龍子。朝向離宮生。暮向吳宮死。吳宮死。悲何如。君不見。永嘉袖手永昌呼。入廟曾言帝室儲。何因龍種欺黃犢。曾見鷄雌擾鳳雛。

海西公不男。使左右向龍與內侍接生子。以爲世子。民間謠云。本言是馬駒。今定成龍子。局縮肉。元帝時謠。孝武時謠云。黃雌鷄。莫作雄父啼。

鬼董狐

鬼董狐。事何略。天地茫茫總初覺。元凱誰。蜉而摠。元海誰。鱗而躍。敦與溫。重筆削。君不見。枋頭旣敗史筆誣。定論只有鬼董狐。

千寶作搜神記。劉俊曰。卿可爲鬼之董狐。杜預在荊州。因宴醉臥。外人聞嘔吐聲。竊窺於戶。見一大蛇垂頭而吐。劉淵母斬子于龍門。見一大魚頂有二角。伏于祭所。夜夢旦所見。魚變爲人。遂生淵。

孫盛作晉陽秋直書枋頭之敗溫見之大怒孫諸子懼遂竊改之

東山臥

大謝執如意小謝揮麈尾中謝無所爲冷冷善名理一門羣從真無慙閨中飛絮還撒鹽君不見四十東山臥初足與人同憂亦同樂別墅風流賭棋局

謝安兄奕爲桓溫司馬喜執玉如意弟嵩常着鶴氅裘白紵巾安悅兄子元戲賭紫香囊得卽焚之

牛心炙

欲知名啖牛心欲書名聚鵝羣叶昔不減阮主簿今可佐王懷祖攜諸子抱弱孫婚嫁畢學尙平學尙平事亦足中年以後傷哀樂叶得閒且自陶絲竹

王羲之十三時詣周顗時重牛心炙客未啖顗先割啖之由是知名阮裕有重名爲王敦主簿敦嘗謂茲之曰汝不減阮主簿王述字懷祖與羲之齊名

阿房城

鳳凰鳳凰止阿房一雌一雄雙翺翔不見雀來入燕室但見浮雲閉白日鳳西飛雀東飛腸斷朱宮復紫隄錦袍一領軍前卻鳳皇鳳皇不如雀

符堅時諺云一雌復一雄雙飛入紫宮又諺云鳳皇鳳皇止阿房時慕容冲與姊清河公主俱有寵慕容垂妻亦得幸於堅與同輩宦者趙整歌曰不見雀來入燕室但見浮雲閉白日慕容冲逼長安一領冲却之

長星見

焚惑入南斗。天子下殿走。焚惑來天垣。天子坐未安。坐未安。亦何有。長星勸汝一盃酒。臣願天子聖。列辟賢。追古七十二帝恩綿延。臣更左執矢。右執鞭。妖星射落淵底眠。陛下聖壽千萬年。

長星見孝武帝甚惡之。于華林園舉酒祝曰。長星勸汝一盃酒。自古何有萬年天子耶。

負春來

負春來。洛陽鸛望塵來。司隸逐。卿無忘螭蟠。朕無忘龍伏。嗟嗟景略奪何速。不事西夷事南服。八公山悲苻融。五將山毒吳忠。景略有君死。蒼手景略有兒繫。泓首不登先亡鎮。惡後鎮惡死。報苻氏。

王猛少時。嘗春於市。荷堅七歲。戲宣道左。徐統戲曰。不畏司隸縛耶。堅至。五將山姚萇。遣將軍吳忠圍之。求傳國璽。不得。遂殺堅。猛孫猛惡奔晉。隨劉裕滅後秦。爲沈田子所殺。

行路難

行路難。歌以哭。四座茫茫慘無樂。叶松柏何啾啾。屋下尸自愁。挽歌何慨慷。道上殯自往。袁山松愁何工。君家兄弟才偏雄。呼盧十萬擲布帽。卿輩可識袁彥道。

袁山松喜歌行路。雜詞又喜道上作挽歌。時謂張湛屋下陳尸。山松道上行嘯。袁耽字彥道。桓溫嘗遣人求數萬求濟于耽。耽許之。就局十萬一擲。直上百萬。採布帽擲地曰。竟識袁彥道不。

丁零王

丁零中。一隅地。幾人稱王幾人帝。

程紙據丁零墓容垂以爲河南王。
程釗改元定鼎後敗爲墓容永所殺。

新平寺

長星出天十丈長。東掃宛洛趨雍涼。明光殿前老父走。甲申乙酉悲魚羊。魚羊食人人更少。長安十陵長。秋草威鳳重飛入禁中。蛟龍更出屯官道。東帝鮮卑西帝秦。英雄歸骨向新平。裴登自擣君臣禍。垂永遠操門戶兵。

後秦姚萇。堅子新平佛寺。堅時有人于明光殿大呼曰。甲申乙酉。魚羊食人。墓容永爲西燕後燕主。垂復泐之。荷登載堅木主與萇戰。每事必啓主後行。

五經表

宗生去。大事已。趙生來。大事濟。彼棄龍頭附蛇尾。才何奇。九州小。書何奇。五經表。不處城廬處洲島。沮渠據北乞伏西。自鄧以下還無識。

秃髮烏孤據廣武。秦王與使韋宗。規之。歸曰。晉乃知九州之外。五經之喪。復自有人也。宗生名敫趙生名振烏孤曰。吾得趙生。大事濟矣。沮渠據張掖。乞伏據金城。

借鬼兵

城門西。鬼兵十萬啾啾啼。城門東。陰旗獵獵愁。城門開。待鬼來。椒漿爲汝奠。靈甲爲汝裁。一朝賊退歸海中。幕府上簿皆鬼功。鬼兵不來兮。奈何許。賊兵皇皇兮。矢如雨。風折兮。整弧血染兮。頭顱將軍苦身折。天師竟無術。彼夫人兮。眞丈夫。抽刀殺賊賊卽呼。

天壤欲似王郎無。

孫思政會稽內史王凝之素奉天師道官屬請出兵凝之曰我已請大道借鬼兵守諸城門各數萬不足憂也及敗遂爲思所殺甚謝道韞聞變肩輿出手殺數人。

續佛經

君不見長安天子好禪論。浮屠沙門多以萬殿陞空陳豐草詩。深宮自進伊蒲飯。又不見長安天子多武功。蜀氛西靖燕東封。一朝榮惑星失守。萬規昆明火更紅。可憐德脩期愈促。自謂當時邀佛福。邀佛福三千佛經盈臥閣。萬死難饑姚萇惡。

後秦姚興好佛與地摩羅什樓佛經長安里中沙門至萬人興好獵杜絕著豐草詩以諷焚惑入瓢瓜中忽亡不知所所在是歲秦大旱昆明池竭童謠詭言國人不安。

槐樹賦

槐樹賦述志賦。撰作遐方一何富。上馬能殺賊。下馬作露布。龍吟夜半興真人。譜系乃出飛將軍。彼夫人兮亦清節。三年不言似亡息。

西涼王李嵩離西人李廣裔著槐樹賦述志賦夫人尹氏有志節以先適馬元正三年不言。

虎臺謀

兄爲囚。妹爲虜。父命事仇無不可。叶父已死。兄已誅。父命殺仇卽夫。父仇不報豈女子。反面事人有餘恥。事已不成寧惜死。黃泉有血流浩浩。九州之外五經表。

南涼王儁檀女爲秦王熾皇后，
與其兄虎璽謀殺熾，璽泄死。

沐謙刺

一尺七首三尺雲首提革鬚，飛入秦，飛入秦，殺龍子，感恩茫茫復中止。君有疾，吾侍之；君有藥，吾奉之。潯
潯淚下不能止，義十今時爲君死。匣中夜半風颼颼，恨不飛斬仇人頭。

劉裕使沐謙刺司馬楚之，楚之待謙甚厚，謙未得間，乃夜得疾，楚之果自齋湯藥往視，情益勤篤，謙感楚之恩，反爲之用。

彗星出

明堂坐一龍，纔升一龍墮，慟哭來徐公。徐公得無過，星離離，入太微，經北斗，絡紫微，茫茫一百二十祀，酖
君以生不如死，晉亡亦有死節士。

彗星出天津，晉恭帝禪位於宋，自遜子鄆，鄆弟祕，祕監徐廣痛哭，謝晦曰：徐公得無小過，裕使張偉酖帝，帝曰：酖君以生不如死，遂自飲而卒。

義義號

仇池一隅世忠孝，宋家日月飛不到，永初年間義義號。當時彤弓與盧矢，老臣自當臣晉死。我死善事新
天子，嗚呼國亡不與亡，柴桑處士仇池王。

仇池王楊盛，聞晉亡，不改茂姓，年號謂世子玄曰：吾老矣，當終爲晉臣，汝善奉宋帝及玄，立始用元嘉年號。

桃源記

不聞人聲。但聞琴聲。不聞絃聲。但聞指聲。桃源中人。羲皇上人。何論魏人。何論晉人。
陶潛性不解音。畜素琴一張。絃微不具。每朋酒之會。則撫而和之。曰。但識琴中趣。何勞絃上聲。

